

15

I. N. 3.
DISSERTATIO GRADUALIS,
DE
OPTIMIS EPISTOLIS
COMMENDATITIIS
MINISTRORUM
VERBI DIVINI
II. CORINTH. III: 1, 2, 3.

C U F U S
PARTEM POSTERIOREM
Conf. Ampl. Facult. Philos. in Reg. Acad. Aboënsi,
PRÆSIDE
LAURENTIO O.
LEEFREN,
L. L. O. O. & Græcæ Profess. Reg. & Ordin.
Publicæ Bonorum censuræ subjicit
DANIEL GESTRIN,
V. D. M. Wiburgensis.

In AUDITORIO MAJORI Die XVII. Maji MDCCCLXXV.
H. A. M. C.

A B O Æ
Impressit JOHANNES CHRISTOPHORUS FRENCKELL

DISSEMINATIO GRADUARIS
OPTIMA ELEGATORIS
COMMENDATIONIS
MINISTRORUM
VERBI DIVINI
CORPORALIA

EBR. VIII: 10.

Οπ αῦτη ἡ διαθήκη πν διαθέσομαι τῷ ὁ καὶ ἴσχειλ μετόπε
τὰς ἡμέρας ἐκείνας, λέγει Κύριος; δίδους νόμους μου εἰς τὴν διά-
τοιαν αὐτῶν, καὶ ἐπὶ καρδας αὐτῶν ἐπυρεψώ αὐτούς· καὶ ἔσο-
μαι αὐτοῖς εἰς Θεὸν, καὶ αὐτοὶ ἔσονται μοι εἰς λαόν.

ALLEGORICAE

§. VIII.

Ad rem ipsam transitum facit, omniumque primo notionem vocis καρδίας eruere satagit.

Haec tenus de iis egimus, quæ partim ad sequentia rectius intelligenda, partim ad spurium rei conceptum rite removendum pertinere visa sunt. Nunc, ad rem ipsam proprius progressi, de iis exponere volumus, quæ ad conceptum rei positivum spectant. Prima igitur quæstio, quæ hoc agere cogitantibus ultro occurrit, ad notionem respicit vocis καρδίας, in qua cardo rei vertitur. Quem usum in aliis scripturæ generibus præstant tabulæ, de quibus supra, quantum satis visum est, egimus, eum præstat καρδία τῶν ἀκούοντων, cor auditorum, in exarandis litteris commendatitiis Ministrorum verbi Divini, quæ omnium optimæ dici merebuntur. Quid igitur Apostolus hac voce nobis præcise indigitatum voluerit, paulo diligentius investigasse non pœnitabit, eoque minus, quod, hoc recte cognito, facilius

A

intel-

intelligi possunt cætera, quæ Apostolus de hac ma-
teria verbis supra allatis prædicat. Quicunque tex-
tum hujus loci, vel levissima adtentio adhibita,
perlegere voluerit, is nullo sere negotio inveniet,
non de corporali, sed de *spirituali* Scripturæ genere
hic agi. Vox igitur *nædæa*, quæ proprie *cor*, quod
pars corporis est, significat, hoc loco *impropriæ* su-
mitur; & mentem, ejusque *adfectiones* denotat. Quod
si igitur mentem Apostoli recte velimus percipere,
tertium comparationis eruendum esse, certum est. Hac
fini primo adtendendum est ad *notionem* vocis, quam
propriam judicamus. Cor igitur pars corporis est *no-*
bilissima, quæ omnium reliquarum centrum consti-
tuit, ex eoque, tanquam ex fonte, omnes actus vitales
& omnes motus animales propullulant. Quamvis e-
nim cor, ab adspectu omnium penitus remotum, in
intimo pectoris angulo lateat, totam tamen *vitam*
hominis suo influxu afficit. Nullum corporis mem-
brum, neque magnum, neque parvum est, quod ejus
ab arbitrio non pendeat. In venis nullus natat glo-
bulus sanguinis & in fibris nulla manat guttula spi-
rituum animalium, quæ ejus imperio non pareat.
Ad ejus nutum cubamus, sedemus, surgimus; ambu-
lamus, currimus, & omnia nostra negotia admini-
stramus. Corde jubente, vultus nunc rubescit, nunc
pallescit, nunc tristis adparet, nunc hilaris, nunc
rugas agit, nunc frontem explicat. Verbo: Cor o-
mnium, quæ in homine & ab homine naturaliter
sunt, principium est. Nihil igitur mirum, si no-
mine cordis, in sensu translato, id omne veniat,
quod

quod actionum imputationis capacium, seu moralium principium est. Cor igitur, generatim loquendo, hoc loco ipsa hominis anima est; speciatim vero ex facultates animæ, quarum in actiones moraliter bona aut malas præcipius est influxus, in primisque propensiones habituales, ex quibus quæ proficiuntur actiones opponuntur iis, quæ simulate & non ex animo fiunt.

§. IX.

Voce καρδίας, cordis, in sacris litteris sēpissime innuit animam, ejusque tam propensiones, tum operationes, maxime habituales, idoneis exemplis ex utroque Fœdere desumptis probat.

Ne eas vocis *καρδίας* notiones, quas modo indigitavimus, ex nostro ipsorum cerebro excusplisse, gratisque adposuisse videamur, alienum non fuerit singulas idoneis exemplis ex Sacra Pagina utriusque Fœderis breviter confirmare. Primum quidem ea adducemus loca, in quibus cor ipsum *animæ fundum* indigitat, ubi formatur & unde egreditur quod homo foras producit, cum ex habitu agit, adeoque ex iis, quæ sentit & cupit, nihil fingit aut simulat. Hujusmodi in locis voce cordis innuitur aliquid, quod quasi concentratum est ex sensu, motu, nisu & actu animæ intimo. Hinc sæpe usu venit, ut quod uno in membro cor dicatur, id in altero anima dicatur. Sic Moses, quærendum, monet, Iehovam *ex toto corde & ex tota anima* Deut. V: 29. Pari modo *ex toto corde & ex tota anima* Eum amandum, *Eique serviendum esse*, docet Deuter. XI: 13.

cnsfodienda & facienda esse statuta & iudicia Ejus Deut. XXVI: 16. II. Reg. XXIII: 3. audiendam esse vocem. Ejus Deut. XXX: 2, 10. Ei serviendum esse Jos. XXII: 5. ambulandum in veritate coram DEO I. Reg. II: 4. Hoc si fieri possit, ex toto corde & tota anima convertendus est homo II. Chron. VI: 33. Sic toto corde & tota anima sciendum, quod nullum verbum DEI in cassum ceciderit Jos. XXIII: 14. Interdum, cum Scripturæ sermo est de rebus maximi momenti, utpote de conversione ad DEUM & de amore DEI, non satis habet docere, quod id fieri debeat ex toto corde & tota anima, sed insuper addit בְּכָל־מַאֲרֵב i. e. omni conatu & annisu Deut. VI: 5. II. Reg. XXIII: 29. quæ voces in Græco ἐν ὅλῃ τῇ διανοίᾳ vertuntur Math. XXII: 37. Quod ne quis existimet pura, puta absolvi speculatione, eaque sterili, minimeque efficaci, addit Marcus vocem ἵσχυος, quæ robur & vires valet Cap. XII: 30. quod & Lucas facit Cap. X: 27. Quod vero his in locis totum cor & tota anima conjunctim significant, id sejunctim involvit totum cor solum I Sam. VII: 3. Jer. III: 7, 10. XXIV: 7. XXIX: 13. Joël. II: 12. Ps. CXIX: 2, 10. II. Chron. XXX: 19. I. Sam. XII: 20. I. Reg. VIII: 23. II. Chron. VI: 14. I. Reg. XIV: 8. II. Reg. X: 31. Ps. CXIX: 58, 69, 145. XIX: 2. LXXXVI: 12. CXI: 1. CXXXVIII: 1. Sam. XII: 24. II. Chron. XXXI: 21. Verbo: corde innuitur totus homo internus, quem Paulus ponit in τῷ νῷ, in mente, & opponit μέλεσι, membris Rom. VII: 22. Hunc vocat Petrus κρυπτὸν τῆς καρδίας αὐθεωποῦ I. Epist. III: 4. Hinc

cor

cor s^epius illis opponitur membris, quæ sub adspe-
ctum cadunt, utpote faciei Prov. XV: 13. fronti He-
zech. III: 7. Oculis I. Sam. XVI: 7. I. Reg. IX: 3.
J^erem. XXII: 17. Cohel. XI: 9. I. Reg. IX: 3. Prov.
XXIII: 26. Ossibus Jer. XXIII: 9. Carni Ps. LXXXIII:
26. Hez. XLIV: 7, 9. Ps. LXXXIV: 3. ~~A~~ribus
Act. VII: 51. Gloriæ, seu linguæ Ps. XVI: 9. Coll. Act.
II: 26. Manibus Ps. XXIV: 4. His enim membris
patrantur externæ actiones, quæ ex corde tanquam
fonte manant, ejusque indoli id debent, quod no-
mine moralitatis venire solet. Hoc innuit Scriptu-
ra, cum cor adsimilat thesau^ro, qui, prout bonus aut
malus fuerit, ita bona aut mala sunt, quæ inde pro-
feruntur. Hinc cor dicitur impleri, quatenus in eo
generantur decreta bene aut male faciendi, abundare
vero, quatenus hæc decreta foras exseruntur mini-
sterio membrorum, de quibus nuper facta est men-
tio. Evolvantur loca Math. XII: 34, 35. Luc. VI:
45. & conferantur Cohel. VIII: 11. IX: 3. Est. VII:
5. Act. V: 3. Ps. LXII: 9. Quorum interni motus
& externi actus consentiunt, ii ex corde tales esse,
vel talia agere dicuntur. Sic Salvator optimus, se cor-
de mitem & humilem esse, adfirmat, quia ex animo
talis erat, qualis videbatur, cum has virtutes exer-
ceret. Math. XI: 29. Sic condonare jubemur fratri-
bus ex corde i.e. sincere, adeo ut interne idem sen-
tiamus, quod externe significantur. Qui aliter fa-
ciunt, ii id partim non ex corde, partim alio corde
facere dicuntur, quorum illud ex Jes. XXIX: 13. hoc
vero ex Ps. XII: 3. constat. Confentur Ps. LV: 22.

Jes. XXXII: 6. Prov. XXIII: 7. Ps. XXVIII: 3. I.
 Chron. XII: 33. In his omnibus *cor animi sententiam indigitat.* Quod quis corde foveat, id ipse sentit & cupit, vi Psal. LV: 22. quem nuper citavimus. In iis vero, quæ contra genuinam cordis sententiam facit, aliam personam agit.

§. X.

Idem argumentum ulterius persequitur, nomine cordis varias mentis facultates earumque operationes specialius interdum denotare observans.

Quamvis igitur, quod sic *cordis nomine* venit, id *propensiones* involvat *habituales* ex *representationibus* et *adpetitionibus* conflatas atque confusas, saepe tamen distinctius loquitur Scriptura & hoc nomine nunc hujus, nunc illius animæ facultatis operationes seorsim significat, sed ita tamen, ut priores partes voluntatis sint, sive illa bono, sive pravo ex habitu agat. Primum quidem *spontaneitatem* denotat, seu intimam *animi lubentiam*, ex qua actiones liberæ minimeque *coactæ* proficiscuntur. Sic *corde ferri* & *Spiritu spontaneo duci unum*, idemque significat Exodi XXXV: 21. Hinc ire & redire, seu ultrò citroque ire, in *via cordis sui*, est vivere pro lubitu, & eam sequi rationem vitæ, quam quis ipse probat & elit, nullo nec jubente, nec cogente. Jes. LVII: 17. Hæc quoque est mens Mosis, cum protestatur, se opera sua non fecisse *ex corde suo* Num. XVI: 28 id clarissime constat ex deprecatione, quam Exodi IV: 10, 13. legimus. Hinc *cordi tribuitur beneplacitum* Prov. X: 11 desiderium Ps. XXI:

3. *volitiones* I. Cor. IV: 5. *cupidines* Rom. I: 24. *concupiscentia* Math. V: 28. *reclinatio* Deut. XXIX: 18. *inclinatio* Jos. XXIV: 23. *conf.* Act. VII: 39. I. Reg. VIII: 58. Ps. CXIX: 36, 112. CXLI: 4. I. Reg. XI: 4, 5. Jud. IX: 3. II. Sam. XIX: 14. Prov. VII: 25. XXI: 1. Ps. LIV: 19. Job. XXXI: 7. Hez. XI: 24. XX: 16. XXXIII: 31. Jer. XXII: 17. I. Reg. IX: 3. Cordi etjam adscribuntur variae *operationes mentis*, seu facultatis, qua cognoscimus, utpote intelligendi cogitandi, adtendendi, excogitandi, meditandi, machinandi, comminiscendi, argumentandi & similes. Sic formula συνέπεια τῇ καρδίᾳ corde intelligere occurrit Math. XIII: 15. Act. XXVIII: 27. Huic parallela Hebraica יְלִבָּב הַבִּנְיָה habetur Jes. VI: 10. νοῦν τῇ καρδίᾳ corde cogitare Joh. XII: 40. ἀνθυμεῖσθαι in τῇ καρδίᾳ cogitationes mente volvere Math. IX: 4. Hoc vocant Hebræi תְּהִשְׁבֹּתָה יְזִירָה figmentum, seu commentum excogitationum Gen. IV: 5. VIII: 21. Cogitandi significacionem habent hi modi loquendi: λαλεῖν in τῇ καρδίᾳ loqui in corde Apoc. XVII: 7. ἐπεῖν in τῇ καρδίᾳ, dicere in corde Math. XXIV: 48. Luc. XII: 45. Rom. X: 6. utriusque parallela est Hebraica נֶגֶד כָּל בָּאָרֶץ, quæ saepius occurrit, ut Gen. XVII: 17. XXVII: 41. Deut. VII: 17. VIII: 17. XVIII: 21. I. Reg. XII: 26. Esth. VI: 6. Ps. IV: 15. X: 6. XIV: 1, XXXV: 25. LXXIV: 8. Eccl. II: 1, 15. III: 17. Jes. XIV: 13. XLVII: 8, 10. XLIX: 21. Jer. V: 24. XIII: 22. Obad. III: Zeph. I: 12. II: 5. Zach. XIII: 15. Idem quandoque valent formulæ, Græca ἀναθέτειν in τῇ καρδίᾳ, & Hebræa עלְהָ עַל כָּבֵד, quarum utraque ad verbum dicit *adscendere*

dere in cor. Illa Act. VII: 23. I. Cor. II: 19. hæc vero Jes. LXV: 17. Jer. III: 16. VII: 31. XIX: 5. XXXII: 35. LI: 50. Hez. XIV: 3, 4. II. Reg. XII: 5. & II. Chron. VII: 11. ubi venire super cor eodem sensu dicitur, quamvis hæc formulæ interdum decreta animi involvant. Deinde cordi tribuitur διάροια, adtenta cogitatio Luc. I: 51. ἐπίνοια, meditatio Act. VIII: 22. διαλογισμοὶ, ratiocinationes Luc. II: 35. IX: 47 quæ adscendere in cor dicuntur Luc. XXIV: 30. & exire e corde Math. XV: 19. Marc. VII: 21. formula vero διαλογίζεσθαι ē τῇ ναῷδᾳ, ratiocinari in corde, occurrit Marc. II: 6. Luc. III: 15. V: 22. Longum foret enumerare omnes vocis significaciones, quæ vel cognitionis habitum respiciunt & utriusque varias propeque infinitas modificationes signant. De his igitur paucas quasi delibasse sufficiat. Adhuc tamen ea resonant, quibus cor omnium quoque affectuum sedes statuitur, de quibus mox se commoda dicendi occasio offert.

§. XIII.

De singulari epitheto tabularum cordis, quo σημινῶ, seu carneae dicuntur, pauca monat.

Hactenus, quid sibi tabule cordis velint, quantum occasio tulit, vidimus. Nunc se quærendi offers occasio, quid epitheton, quo σημινῶ, seu carneae dicuntur, importet. Hanc igitur quæstionem paucis adtigisse juvabit, eoque magis, quod, ea excusa, facilius progredi possumus ad considerationem eorum, quæ sequuntur, utpote scriptoris, amanuensis, ipsiusque denique Scripturæ, quam Apostolus his

his tabulis inscribendum dicit. Ex iis, quæ hic usque disputata sunt, haud obscure patet, hac pictura nihil aliud indigitari, quam animam humanam, cum suis affectionibus, operationibus & propensionibus, quatenus ipsi ad modum habitus insunt. Quum vero anima nostra non corpus, sed spiritus sit, facile quisque videt, ἐν οὐρανῷ hoc loco propriæ intelligi non posse de substantia musculosa, quæ in pectore sita est & sanguini recipiendo ac refundendo, per continuam συστολὴν ac διαστολὴν, inservit. Cumque adeo necesse sit, ut hic in translata accipiatur significatione, eam paulo distinctius evoluisse non potuissebit. Quemadmodum igitur subjectum tabulæ hic metaphorice sumitur, ita in epitheto inest continuatio Metaphoræ. Res igitur ad verum comparationis tertium redit. Quum igitur caro substantia sit molliacula, haud inepte hic adhibetur ἐν οὐρανῷ, seu carneam, ad signandam animæ affectionem, qua non instar tabulæ lapideæ, cui opponitur, dura, flectique nescia est, sed contra veri ac boni docilis invenitur, & quidquid dicerit, id libens & lubens ad sui emendationem convertit. Tota vero formula nobis desunta videatur ex Scriptura Veteris Foederis & nominatim ex promissione, quæ Hezech. XI: 19. proponitur, ubi DEUS hominibus ex gentibus undique colligendis diserte pollicetur, se ex illis remoturum cor lapideum & redditurum cor carneum. Quum vero Apostolus sine dubio tabulis lapideis adludat ad tabulas Legis sinaiticas, & his opponantur tabulæ carneæ, facile intelligitur, his vobis indicari differentiam inter sta-

tum animi refractarium in Veteri & spontaneum in Novo Testamento. In illo enim, peccatis nondum expiatis, ex una parte severa mandata, ex altera partim coacta externæ litteræ observantia, partim obstinata dominabatur contumacia; in hoc vero contra, pretio redemptionis soluto, & venia antecedentium transgressionum impetrata, promissionibus late dulcioribus & melle svavioribus respondet animus ad attendendum paratus & ad obediendum promptus, qui in obsequio mandatorum menti inscriptorum incredibilem invenit jucunditatem. Quot hoc animo imbutos quisque Verbi Divini Minister ostendere potest auditores, tot vivas habet Epistolas, qui ipsum ejusque Ministerium efficacissime commendant.

§. XIV.

Quis hujusmodi Litteras dictare, quis exarare possit paucis ostendit.

Qui indolem animi humani noveritis ejusque tum in *vero cognoscendo stuporem*, tum in *bono efficiendo torporem* non ignoraverit, is facile largietur, non cuiusvis verbi divini præconis esse hoc genus litterarum scribere. Hic igitur opportune admodum quæri existimamus, quisnam is demum sit, qui tanto officio idoneus haberi possit? Fieri subinde solet, ut alius *dicit*, alias *exaret* litteras. Hinc duæ nascuntur quæstiones, quarum altera *auctorem*, qui *dicit*, altera *scriptorem* qui *exaret*, seorsim spectat. Quis auctor harum litterarum sit, haud obscure docent verba Apostoli: *Εμεις εστε μηδανη Χριστος.* Epistles

las commendatitias ab Episcopis aut Archiepiscopis
 scribi solitas fuisse §. IV. observavimus. Optimæ
 igitur Epistolæ commendatitiae non nisi ab optimo
Episcopo & summo Archiepiscopo scribi possunt. Hunc
 titulum, præter CHRISTUM, meretur nemo. Ille i-
 gitur solus Author est. Et nisi ab ipso proficiantur
 epistolæ, quibus nos commendatos cupimus, in spu-
 riis habendæ sunt, quantumcunque elegantiam præ-
 se ferre videantur. Quidquid enim in hoc genere
 Epistolarum ingenio humano adornatur, id tum de-
 dum bona est notæ, cum spiritus Sanctus ingenio
 dominatur, eique tum materiam, tum formam scri-
 pturæ inspirat. Quemadmodum vero Salvator in se-
 cula benedictus, cum in his moraretur terris, ipse
 nihil reliquit scriptum, sed quidquid de vita & do-
 ctrina Ejus in Sacris Pandectis legimus, id ministe-
 rio fidelium servorum, quibus suum impertiverat
 spiritum, litteris consignatum est; ita epistolas com-
 mendatitias, de quibus hic agimus, non efficientia
 quadam immediata, sed fida opera eorum, quibus
 munus prædicandi Evangelii concreditum voluit,
 consignare solet. Hoc innuit formula, *διακονεῖσθαι ιψῶν*, quam textus oraculi nostri habet. Ideo ve-
 ro novum animi statum, in quem translati erant
 Corinthii, Scripturæ seu Epistolæ comparat Paulus,
 quod ex illis aliquid elucebat, unde certo constare
 poterat, eum non falsum emissarium, sed verum Chri-
 sti Apostolum esse. Quo autem jure ad hoc testimo-
 nium provocare potuisset, nisi id suo ipsius ministerio
 in mentibus ac cordibus eorum exaratum fuisset?

Opus enim artificem laudat. Non desunt, qui formulam Græcam diabolum ēπιστολὴν nihil aliud significare contendunt, quam epistolam aliena opera conscriptam perferre, hoc tamen loco etiam scribendi ministerium ea involvi, certum est. Jure igitur heic nostra facimus verba Cl. CAMP. VITRINGÆ, qui, Corinthiorum, inquit, animos Paulus ut tabulas considerat, per suum ministerium præparatas aptatasque, quibus Christus, per potentem spiritus Sancti operationem, voluntatem suam legemque Novi Fœderis insculpseral, manifesta allusione ad τὸ μεμφίσμενον τῆς παλαιᾶς Γαρδίκης, quo lex tabulis insculpta lapideis ejusdem legis sculpturam in hominum mentibus exclusit. Observ. Sacr. Lib. VI. Cap. XVIII. §. 9.

§. XV.

De ipso argumento optimarum Epistolarum Commendatitiarum paucis exponit.

Venimus nunc ad questionem principalem, in qua cardo totius disputationis vertitur. Ea huc redit, ut ipsum aperiamus argumentum, quod optimæ literæ Commendatitiae continent. Nostro enim iudicio parum refert novisse, quæ sit epistolæ inscriptio, & quis eam vel dictaverit, vel scripserit, nisi quid contineat, constiterit. Hoc igitur hic breviter excusisse juvabit. Inter Corinthios agitari cœpta erat quæstio, utri plus fidei habendum esset, Paulone, qui illis purum putum adnunciaverat Evangelium, nihil se scire judicans, εἰ μὴ ἵνα Χειρόν, οὐδὲ τὰς ἐπωνύμου I. Cor. II: 2. an vero præconibus quibusdam judaizantibus, qui nativa gratiæ mella fermento quo-

quodam operario, ut ita dicam, infulse temperan-
da sciscebant. Ut hanc controversiam dirimeret
Apostolus, non ad ventosam eloquentiae pompam,
quam adversarii adhibuerant, sed ad verum & vi-
vum doctrinæ effectum, quem in animis auditorum
τις εἰς πνεύματισθεωπίνοις φίας λόγοις, αλλά εἰς ανθρώπου πνεύματος καὶ δυνάμεως produxerat I. Cor. II: 4. Is demum
veri DEI verus est legatus, qui non satis habet nec
frigidum, aliquod simulacrum veritatis in lingua au-
ditorum pictum, nec inanem quandam speciem vir-
tutis in externum vitæ habitum inductum, sed de
eo potissimum satagit, ut ipsum animum eorum spi-
ritu Christi imbuat, ut vere de se prædicare pos-
sint: *ἵμεῖς νῦν Χριστὸς ἔχομεν, νοσ μεντην Christi habe-*
mus. I. Cor. II: 16. Quis vero mentem Christi ha-
bet, nisi qui idem cum Christo cogitat, sentit, di-
cit, agit? quoties igitur eorum nobis concipere vo-
lumus imaginem vitæ, qui veræ & vivæ Christi e-
pistolæ dici poterunt, tories intueri debemus ipsum
exemplar, ad quod transformati sunt. Nam *πάντες ανακενταμένοι προσωπῷ τῷ δόξῃ καὶ εἰς καποτελέμονες, τῷ αὐτῷ ἐπόντα μετανοεῖσθαι απὸ δόξης οὐδὲ δόξαι καποτελέας, ποὺ καὶ εἰς πνευματος.* II. Cor. III: 18. Longum foret, si
singulos splendoris radios, quos fideles, ex quo Spi-
ritus Christi in iis habitare cœpit, reflectunt. Eos
tetigisse sufficiat, qui in Christo maxime conspicui-
erant, cum inter homines versaretur. Nostro qui-
dem judicio id in Christo glorioſiſſimum fuit, quod
spiritus mundanus ignominioſiſſimum judicat. Quod-
nam vero illud est? illud ipsum, quod e diametro

oppositum est adfectibus, per quos lapsi sumus. Erant illi *arrogantia & inobedientia*, quarum comes erat *metus*. In optimis igitur Epistolis commendatitiis omnium distinctissime legitur sincera minimeque adfectata *humilitas*, & verum *obediendi studium*, ex animi *fiducia* repleto profectum. Hæc gloria ex merito & exemplo Christi in animum fidelium derivatur. Ipse jubet, ut ab se discamus προσόντη νοῦ λανθόντη, lenitatem & humilitatem, ὃς inquit περός εἰμι καὶ ταπείνως τὴν φρεσία Math. IX: 29. Hinc Paulus, cum κανόδοξος disvadet, ad ταπείνωφερούννης adhortatur, idque exemplo Christi. τετρα, inquit Φρεσίσθω ἐν ψυχῇ, ὃ νοῦ ἐν Χριστῷ Ιησῷ, i. e. in vobis idem vigeat sensus, qui in Christo IESU viguit. Quis ille fuerit, docent, quæ addit verba: ὃς ἐν μορφῇ Θεοῦ ὑπάρχω, εἰν αγαγμῷ ἴγνωστο &c. Phil. II: 3, 6, 7, 8. Hanc Christi humilitatem imitari velle summa est *sapiencia*, posse summa potentia, ad quam Christiano adspirandum est. Christus, cum sciret omnia sibi in potestatem tradita esse, lavit & tersit pedes Apostolorum Joh. XIII: 3. seqq. Pari modo fideles, quamvis *unctionem* habeant a Sancto & sciant omnia I. Joh. II: 20, quæ scilicet ad pie vivendum spectant II. Pet. I: 3. quamvis Jesus illis dederit ἐξοικεῖα τέκνα Θεῶν γενέσθαι Joh. I: 12 & maximas atque pretiosas promissiones, ut siant θεῖα κοινωνία Φύσεως II. Pet. I: 4. quamvis acceperint πνεύματα οὐρανία, Rom. VIII: 15 & ille idem Spiritus cum Spiritu eorum testetur, quod τέκνα Θεῶν sint v. 16. immo hæredes DÉI & coheredes Christi v. 17. adeo ut omnia eorum sint I. Cor. III: 21, 22. ipsique repleti sint fructibus justitiae, qui ex Christo redundant in gloriam & laudem DÉI Phil. I: 11. coll. Rom. XVI: 22. tantum tamen abest, ut ideo se aliquid esse cogitent, ut potius, quo plura se dona accepisse intel-

intelligent, eo se aliis inferiores sentiant Phil. II: 3. Nam, docente ipso Salvatore, is est ὁ μέγος ἐν τῇ βα-
σιλείᾳ τῶν θεοών, qui se pueruli more humiliat Matth.
XVIII: 4. Quorum igitur mentibus & cordibus intime
in scripta, penitusque impressa est imago humilitatis Chri-
sti, adeo ut hic sensus in omnibus tum gestibus, tum a-
ctionibus se vivis quasi litteris legendum exhibeat, ita de-
mum doctorum suorum optimæ sunt litteræ commendatiæ.
Quod si vero quis querat, quinam illi sint, qui
id genus Litteras exarare possint, facile intelliget, non
alios esse, quam qui ipsi veræ & vivæ sint epistolæ Chri-
sti, ejusque ~~ταῦτα Ρερόνη~~ in omnibus, quæ dicunt
& faciunt, tanquam specula reflectunt.

§. XVI.

Finem operæ imponit.

Proximum jam esset, ut modum describeremus, quo
hoc genus epistolarum exarari possit, verum cum hac
quæstio partim ad aliud pertineat forum, partim proli-
xiorem postulet tractationem, quam loci angustia capit,
hic pedem figere cogimur, eos, qui de hac re plenius
informati cupiunt, ad scripta Theologorum remittentes,
in primis vero eorum, qui de actibus gratiæ commenta-
ti sunt. Qui vero ex ipsis fontibus haurire malunt, iis
auctores sumus, ut post sermones Salvatoris hic, illic a-
pud Evangelistas occurrentes, Scripta Apostolorum sedulo
evolvant & nominatim tria prima capita I. Pauli Episto-
læ ad Corinthios, quæ paucis pagellis plus continent,
quam vasta volumina Theologorum scholastice docto-
rum. Omnia ad Spiritum DEI veritatis, cuius mentio
in textu nostro injicitur, redeunt, & obsequium, quod e-
jus ductui præstatur, Dicit vero in omnem veritatem Joh.
XVI: 13. *Spiritus ille veritatis est & de Christo testatur*
Cap. XV: 26. *Christum glorificat, & quidquid adnunciat, id*
ex

ex thesauro Christi deponit Cap. XVI: 14, 15. Sed ad tria
 illa Pauli capita redeamus. Hic singulares observandæ
 emphasis, quæ verbis Apostoli passim insunt, utpote cum
 IESus Christus exclusive ἡμέλιον ponitur Cap. III: 11 cum
 hoc ad huc specialius revocatur ad Christum crucifixum
 Cop. I: 23. II: 2. cum ab annunciatione Evangelii remo-
 vetur σοφία λόγος, &c, quod ad huc gravius est, τινεῖς
 χριστούς ea dicitur inanis seu inutilis reddi Cap. I: 17. cum
 πιεύματα ἐν τῷ Θεῷ opponitur πιεύματα τῷ κόσμῳ Cap. II:
 12. & διδάκτηι αὐθεωπίνης σοφίας λόγοι opponuntur διδα-
 τοῖς πιεύματας αἵγεις v. 14; cum rejicitur σοφία τῶν σο-
 φῶν Cap. I: 19. & σοφία τῷ κόσμῳ τάχτα v. 20. & sola
 σοφία τῷ Θεῷ Cap. II: 7. laudatur, cum DEUS dicitur μα-
 ρανοὶ τὴν σοφίαν τῷ κόσμῳ τάχτα v. 20. & διὰ τῆς μαρτίας τῷ κα-
 γύγματος salvare credentes v. 21. cum sibi in vicem, tan-
 quam pugnantia, opponuntur σοφία αὐθεωπίνης & δύναμις
 Θεοῦ v. 5. nec non πιεύματα αὐθεωπίνης σοφίας λόγοις δε αποδεξίες
 πιεύματος καὶ δυνάμεως v. 4. ut alia plura ejusdem indolis
 & generis præteream. Quod igitur plerique præcones ver-
 bi Divini tam paucas epistolas commendatitias ejus generis,
 de quo egimus, ostendere possint, id exinde provenit, quod
 vel alias materias, quam Christum, caput ponant prædicatio-
 nis, vel si eum non negligant, aut splendorem laborificum,
 quam cruentum Golgathæum commendare malint, aut loco
 αποδεξίεως πιεύματος καὶ δυνάμεως, nescio qua vecordia, frigi-
 dam artem oratorium & inanem verborum tumorem adhi-
 bent, ignorantes, ὅποι τὸ μαρτύριον τῷ Θεῷ σοφώπερ τῷ αὐθεωπίνῳ εἰ-
 ᾔ Cap. I: 25. interea υποδεις οὐατὸν ἐξαπιπτάτω, εἰ τις δοκεῖ εἴ τῷ
 αἰώνι τάχτῳ σοφίας εἴται μαρτύριον γενέσθω, ἵνα γένηται σοφός Cap. III:
 18. Gloria sit DEO per IESUM Christum in
 Spiritu Sancto Amen!